



Mizo tawng humhalh leh hmasawn dan tur zirho a ni

Branch News

Chanmari West, 28th July, 2013 : National Seminar on Mizo Language: Contemporary Challenges and Prospect chu July ni 18 leh ni 19 khan Central YMA Hall-Tuikhuahtlangah neih a ni. He Seminar hi Dept of Mizo, Pachhunga University leh Central YMA tangkawpin an buatsaih a ni a, Central Institute of Indian Languages (CIIL) chuan he Seminar hi an sponsor a ni.

July ni 18&19 chhunga neih, Mizo tawng humhalh dan tur leh tihhmasawn zel dan tur zirho leh sawihona hunah hian Aizawl khawpui chhunga YMA branch hrang hrang aiawh te, Sub-headquarter leh Group aiawh te, College hrang hranga zirlai leh zirtirtu mi engemawzat an tel.

He seminar hi Ni 18.7.2013 zing dar 10:00-ah tan a ni a, Pu Lalbiakzuala, Vice President CYMA-in kaihruiin, Pu Lalthanzara, Parliamentary Secretary chu Khuallian niin he Seminar hi a hawng. Pu Lalthanzara chuan "Kan tawng (language) hian thui takin kan hnam nunphung (culture) a pholang a, tawng humhalh leh Ram leh Hnam humhalh hi thil inzawm tlat, rual taka kal dun tur a ni. Culture kan muthilhsanlai hian kan tawng hi zaw i zawiin a boral ve mek zel a ni" a ti.

Prof. Kedutso Kapfo, Director, CIIL (Mysore) chu Khualzahawm niin, "Zirna ina tawng inzirtir uluk a pawimawhzia" uar takin a sawi.

He seminar ni 1-na leh ni 2-na hi Session 3-ah ve ve then niin, ni hnih chhung hian mi thiam bikte siam

paper 14 lai zirho leh sawiho a ni.

He seminar-a paper buatsaihtute sawi tam ber leh ngaih pawimawh ber chu "Tunlaia Mizo tawng kan hman dik lo leh ziak diklo nasa lutuk te, thangthar zelte hnena kan tawng kauchheh dik tak kan hlan chhawn zel theih dan turte" a ni ber.

Hnam dang tawng, Mizo tawng ang maia kan hman zin leh kan lo hriat bel tawhte chu engtia hman chhunzawm tur nge? tih te, Chanchinbu hrang hrangin Mizo tawng an hman dik loh ina thalaite a hruai dante, mahni pianpui tawng thiam hlutna leh Mizo tawng zahawmna te chu sawi a ni baw.

July ni 19, tlai dar 4:30-ah he Seminar hi khar a ni a, he hunah hian Pu T Sangkunga, President Central YMA chu Khuallian niin, President chuan, "Ram leh Hnam humhalh tura Mizo tawng vawnhim pawimawhzia" ngaih- nawm takin a sawi. He Seminar-ah hian kan Branch atangin Tv R Lalrinnggheta, Editor YMA (Branch Executive member ni baw) chu a tel.

Branch Executive Meeting lehkha sema koh thin chu lehkha sem lovin sms hman tawh nise tih a nih avangin hruaitute phone en ngun tawh turin an inngen.

Ni Ni 25.7.2013 (Ninga) zana Branch zaipawl intihsiak neih tur khuh hawnna, zai hun tur pawhna leh zawnna leh chhanna hun IGNITE Studio, Khatlaa neihah Conductor Pu RK Ramherliana leh Branch Treasurer Pu R. Lalhmachhuana te Branch aiawhin an tel.

Chhungtinte ran khuahkhirh a nih anga mahni ran vulhte khawlaia chhuah lo turin an inchah nawh leh.

Vengchhungah rukruk hriat tur a awm tan leh ta a, chhungtinte fimkhur turin an inchah.

Chhungtinah Silver Jubilee Fund khawn mek a ni a, chhungtinte tlawmngaia lo pe zel turin an inngen a, Collector-a ruat ten mahni awmna Section Convener hnenah theh luh zel tur a ni e.

YMA ZAIPAWL

Tunkar chhung khan hla wavi 3 an zir.

Hla zir nana phal taka in hmantirtu Pu B Ropianga, Pu Lalrinliana leh Pu Rothuama te chhungkaw chungah lawmthu an sawi.

Ni 30.7.2013 (Thawhle) zan atang hian Camp neih an tum.

Pem

Pu Lalpanliana te chhung, member 6, R Lalthanpuia K-sect in atangin Durtlangah an pem.



TUNKAR CHANGVAWN

"Ka nu pum ata saruakin ka lo chhuak a, saruak vekin ka kir leh dawn a nih hi; Lalpa'n a pe a, Lalpa'n a la leh ta a; Lalpa hming chu fakin awm rawh se" Joba 1:21

Chhياتni Fund luh dan

Section	Target	Lut tawh	La lut lo/Target khumna
Chawngbawla	₹ 58320	₹ 57,000	₹ 1,320
Khuangchera	₹ 58500	₹ 58,600	₹ 100
Neuva	₹ 42100	₹ 43,300	₹ 1,200
Taitesena	₹ 70700	₹ 70,800	₹ 100
Vanapa	₹ 58200	₹ 59,300	₹ 1,100

Section pali (4) chuan target khumin an khawn zo tawh a, Branch Committee chuan lawmawm a ti hle. Tin, la zo ve chiah lo pawh an zawh ve thuai a beisei.

Editorial Board

Editor:	R Lalringheta	9862358337
Joint Editor :	Lalchhandama	9862358347
	J Lalnangliana	9862399658
News Editor :	Thangkhumma	9862303135
	Lalchhuanmawia	9862580558
	K Lalremtuanga	9862119608
Cir.Manager :	Jacob Lalrinsanga	9612319779
Production Manager :	RL Thanhmuna	9436152760

Branch Office Bearer

President	<i>C Lalzarliana</i>	9436142049
Vice President	<i>K Darthantluanga</i>	9436196071
Secretary	<i>Zairemmawia</i>	9862385654
Asst. Secretary	<i>RL Thanhnuna</i>	9436152760
Treasurer	<i>R. Lalhmachhuana</i>	9436151817
Fin.Secretary	<i>Lalrinliana</i>	9862581814
Adviser-te :	<i>Pu F Zosanga</i>	9436142106
	<i>Pu A Biaklawma</i>	9436363169
	<i>Pu Lalrengpuia Sailo</i>	9862075614

Editorial :

Veng chhunga chhiat tawk (a bikin thihna) kan awm changa nula tlangval leh nu leh pate mawhphurhna hi inhrihnawn fo a t̄ul khawp mai. Khawsak phung lo danglam zelah tlawmngaihna pawh hi vawnhim kan tum rualin kan inher rem thiam ve zel chu a ngai ta deuh a ni.

Eizawna thil avangin (a bikin nula tlangval tan) thlanlah leh chhun lama mitthi ina thingpui lumte kan hman ngang lo a nih chuan Lumen leh Khawhar In kal chu kan tihmakmawh a ni tih kan hriat a t̄ha khawp mai. Tlaivar si lo, thlanlai bawk si lo, chhun lama mahni hna t̄ul ngai pawimawh leh em em si kan tam sawt hle mai. Kan chung a thihna a lo thlen ve hunah mite hian hna min thawhsan suau suau mai ang tih a hlauhawm khawp mai.

Lumen changin zingkar tlangval thlanlai thingpui petu tur nula kan haihchham lek lek fo ta mai. Nula te t̄an lak a ngai. Tlaivara kan tlang nghal thei chiah lo a nih chuan mut hma hret a, zingkar lama kal leh maite pawh a paw lo khawp mai.

Tlaivarte thlaktu nu leh pate'n kan tih t̄hat viau rualin a nachang hre lo erawh kan la tam hle. Tin, khawvar rual vela thlen hman t̄hin a t̄ha khawp mai.

Mitthi buhfai lutkim lo fo mai hi chu a zia lo lam hret. Nula (tleirawl zawkte) te t̄anlakna tur a ni e. Kar tina khawn tur em pawh a ni si lo. Nu leh pate pawhin kan fanute buhfai khawn taima tura kan nawr t̄hin a t̄ul khawp mai.

Article**Ram leh hnam hum halh**

- Kumpulan Sub-Committee

Ram leh hnam humhalh hi mitin mawhphurhna a ni. Kan ram neihsa zimte hi keini Mizote hian kan humhalh loh chuan tuman min rawn humhalh-sak dawn lo. Tin, ram leh hnam humhalh hi a t̄ulzia hriain YMA hian kumpulan thupuiah vawi tam tak a hmang tawh a, chuvang chuan keini YMA member-te hian tih tur tam tak kan nei a ni. Ram leh hnam humhalh tih hian hnam dang huat emaw diriam emaw lam a kaw k lo va, kan ram leilung, thing leh mau, nungcha zawng zawng leh kan hnam nun leh incheina thlengin a huam a ni. Ram leh hnam humhalh tura kan mawhphurhna leh hma lakna tur atana t̄ha nia kan hriatte kan tarlang dawn a ni.

nunze mawi tak ni t̄hin chu aia upate thu awih leh zah hi a ni. Aia upate thuawih tih hian hmanlaia an tih dan ang diak diak chuan tunlaiah a theih loh mai thei. Entirnan, Office-ah chuan Officer naupang te chuan a aia upa peon chu a t̄irh a ngai a, tin mahni aia naupang zaw k ka pu tia koh a ngaihna lai pawh tam tak a awm. Engpawhnise khawtlanga kan nun hona kawngah chuan aia upate zahna hun leh hmun chu a la awm tho a ni. Bus chuanna a aia upate t̄hutna ken te, hnatlan nikhua leh thlan laihnaah te hian aia upate zahna hi lantir theih reng a ni. Chumai bakah aia upa kan biak dawnin hawihhawm tak leh inngaitlawm taka biak t̄hin hi a mawi a, kan hnam nun phung pawh a ni. Kan hnam nunze mawi hi chawi nung zel ila, khawtlang nun a t̄anga bul kan t̄an loh hi chuan a ler a t̄anga t̄thuai chu a harsa tawh t̄hin.

incheina a t̄angin hian min han teh ta sela kan hnam hi chu hnam ropui tak chu kan ni ngei tawh ang. Amaherawhchu hnam ropui leh changkang tehna atan incheina hman a ni lo hi chu a vanduaithlak khawp mai. Show Room kawt ami pawha inchei ngam a hun ta. T̄halai thawhchhuah nei lo, changkang taka inchei a, mobile handset changkang leh man to tak hum baw k, bike / scooty chhuak thar nei thei nih hi thil zahthlak tak a ni. Kan chhungkaw thawhchhuah mila inchei thiam te a t̄ul. Tunlai hian local cable T.V-ah Korean Serial Flim

Mizo t̄awng lehlin an tichhuak nasa em em a, en pawh kan en nasa hlawm hlein a hriat theih. An nun dan leh khawsak dan (Lifestyles) te thlengin kan la chhawng a, Korean Fashion hian kan incheinaah nghawng a nei nasa em em tawh a ni. An incheina leh an nundan ringawt en lo hian an culture leh an hnam inthuanma an dahsanzia lam hi kan hmuh hmaih leh fo t̄hin. An hun pawimawh Inneihni leh hunpuiah chuan an hnam inchei ngatin an inchei t̄hin tih leh ei leh in thuah pawh an hnam thil leh nundan an chawilar thiamzia te hi hmuh hmaih chi a ni lo. India rama State pachhe ber pawl Mizoram thlengin Kimchi te kan lo hmehhriat ve phah a nih hi. Tunlaia kan chindan hi inbihchiang teh ang. Inneihniah man tam tak chawiin (a t̄hen chuan puk chawpin) mo kawr kan hawh a, khawthlang lam ho tih dan angin kawr inang hak te kan intihhmuh a, kan hunpui (Inneih ni, Krismas leh adt)ah hian kan hnam inthuanma hian hmun a chang ta meuh lo a ni ber mai. Mo leh moneitu te chu kan hnam inthuanin lo inthuan lo pawh nise, midang (a bikin hmeichhiate) tal hi chuan kan hnam incheina heng puanchei te hi bih nachang hria sela a t̄ha ngawt mai. Tichuan kan hnam incheina hi kan chawi nungin kan humhalh a lo ni reng dawn si a.

hian eizawna tam tak a awm, mi taima leh thawh hreh nei lo tan chhungkaw chawmna tur hi a lungngaihthlak loh.
phek 4-naah zawm a ni.

Chawngbawla Section

□ Hnam lam zir mek a ni a, member thahnem tak leh lam zirtir turin section dang member-te'n an tawiawm thin a, an lawm hle. Ei leh in tumsaktu Pu K Lalthakima (Zote chhang) Tv B Lalsawmzuala (sawhchiar) te chungah an lawm hle. Tin, ₹ 500 petu Pu Lalzuiliana leh tube light lian tha tak hmantirtu Pu C Lalzarliana te chungah an lawm hle.

□ Kawipui zun ina hman tur granite tam tham tak petu Pu D Kapate chhungkaw chungah lawmthu an sawi.

□ Ni 20.7.2013 (Inrinni) khan Chawngbawla Run hnuai siamin an hnatlang. Chanwgbawla Runa hman tur Tube Light 2 petu Pu K Lalsangzuala (Tesanga) chungah lawmthu an sawi.

□ Chawngbawla Runa hman tur Rangva tha tak petu Pu C Vanlalhruaia (Pa Hruaia) te chhungkaw chungah an lawm hle.

□ House No leh Name Plate man tifel thuai turin Bial i/c te an inhriattir.

□ Ni 27.7.2013 (Inrinni) nileng khan Chawngbawla Run leh Zun In siamin hnatlang an nei.

□ An Treasurer Tv B Lalsawmzuala Bangkok zin pawh dam takin a lo haw leh ta.

□ Ui leh Ar vulhtute mahni ran vulh khuahkhirh turin an inhriattir nawn leh a, hun remchang hmasa berah hruaitute ui leh ar vai hian an hnatlang ang.

□ An hruaitu hlui Pu Lalzuiliana chu R.O (Forest)-ah a kaisang a, an lawmpui hle.

□ Lam zir chhunzawm zel a ni dawn a, thahnemngai taka lam zir thin turin member-te an inngen. Tin, hruaitute pawh lam zir tawiawm thin turin an inhriattir.

Khuangchera Section

□ Pu Lalthanzara'n Silpaulin a pe a, a chungah an lawm hle, hmalak saktu Chanmari West Congress Unit-II chungah pawh lawmthu an sawi.

□ Asst. Leader Pu HV Lalthavela hna tul avanga Silchar zin pawh dam takin a lo haw leh ta.

□ Hnam lam zir mek zel a ni a. Lam zir nana phal taka In hman tirtu leh ei leh in tum saktu Pu Nundanga te chhungkaw chungah lawmthu an sawi. Member-te thahnem ngai taka lam zir zel turin an inhriattir.

□ Ni 23.7.2013 (Thawhle) zan khan YMA RUN thuam that hnatlang hruaituten an nei.

□ Ni 30.7.2013 (Thawhle) zan hian Pu Nundanga te inah lam zir leh tur a ni a, dar 7:30-a tan thei turin lam zir thin zawng zawngte kim taka kal turin an inngen.

Neuva Section

□ Hun remchangah Committee Meeting neih an tum.

□ Pu EVL Hruaitluanga, Secretary leh Pu Vanlalvuana, Committee Member dam lo chu an dam leh thuai an duhsak hle.

□ Ui leh Ar chhuak man reng reng Secretary hnenah hrilh hriat tur a ni a. Ui manah ₹ 150 leh Ar manah ₹ 50 hlauh theih a ni. Ui leh ar vulhtute'n chhuah lo turin an inhriattir.

□ Chhungtinte in leh a vel vawngfai theuh turin an inngen.

□ Pu Thanthuama In bul luikawr bul footpath-a balu leh lung, hun rei tak chhung dah chu kawngkal tan a hnaw avangin a dah tute chu dahsawn turin an hriattir.

Taitesena Section

□ Bialtu MLA Pu Lalthanzara chuan Chanmari West Congress Unit-II kaltlangin Silpaulin a pe a, bialtu MLA leh Unit-II hruaitute chungah lawmthu an sawi.

□ Hnam lam zir mek a ni a, Section member, a bikin hmeichhia an tam lo chu pawh an ti hle a, tan la thar turin leh thahnemngai leh zual turin an inngen.

□ Silver Jubilee Fund, chhungtinte thawh tur chu khawn chhoh mek a ni a, a khawn fel tawhte'n Br. Asst. Secretary Pu RL Thanhnuana hnenah thehluh turin an inngen.

□ Mitthi Signboard leh Kuang Stand thar neih tumin hma an la mek.

Vanapa Section

□ Ni 30.7.2013 (Thawhle) zan hian section committee neih tum a ni a, hruaitute hunawl lo insiam tura ngen an ni.

□ An member Pu Vanlallawma'n a nupui a sun chu an tawrhpuh hle.

□ Section bungraw hawhtute'n bungruate felfai leh kim taka dahtha leh thin turin an inhriattir.

□ In luah tur neite'n in kan luahtirin an luah atanga ni 15 chhung ngeia Pem Leikha dik tak nei tura in luahtute hriattir thin turin an inngen.

✠ Kan Then Tak ✠

H m i n g - Lalngaisangi, Kum-38, Pa hming - Upa Lalthlengleha, Nu hming-Laldailovi, Section-Vanapa, Kohhran- Presbyterian. Ni 20.4.1975-ah Vervek-ah a lo piang a, pianpui unau mipa 2 leh hmeichhia 4 a nei. Lalngaisangi hi a naupanlai chuan Pathian ngaihsak tak, Sunday School kalkim lawmman pawh la thin a ni. Zai ngaina tak, Kohhran Zaipawla tui em em a ni. In chhung khawsak ngai pawimawh mi leh taima tak a ni. Kum 2009 khan Vanlallawma (Telawma) nen an innei a, an nupa hian Vervek-ah huan siamin rim takin hna an thawk dun thin. Kum 2011 March thla vel atang khan natna chi hrang hrangin a tlakbuak tan a, kumin kum bul lam khan tuna a natna thihpui tak Ril TB hi a nei a ni tih hmuh chhuah niin, wawi engemawzat Damdawi Inah a awm. Ni 24.7.2013 (Nilai) zan dar 9:45 khan Chatuan ram a lo pan ta a ni.

**Vanapa section report chhunzawmna**

□ Hnam Lam zir mekah thahnemngai leh zual turin member lam zir thinte leh a thiamsa, la zir remchang ve lote pawh an hriattir.

□ Pi Lalrinliani w/o Pu C Ramparlina, Civil Hospital-a awm chu dam taka a lo chhuah leh thuai an duhsak hle.

□ Ni 27.7.2013 (Inrinni) zing khan Edenthar bula tuikhur leiminin a hnawh chu hruaitute'n hnatlangin an thianfai.

□ Ni 31.7.2013 (Nilaini) ah hruaitute Footpath rawng hnawih a hnatlan tur a ni e.

□ Kar leh hun remchangah ui leh ar vaiin hruaitute hnatlan tur a ni e.

□ MS Mathew (Char tuikhur) te in luah hnen atangin Alprazolam leh Tramadol damdawi man a ni a, Drug Inspector-te hnenah damdawi nen hlan an ni a, in luahtute pawh chhuahtir nghal an ni.

□ Footpath Handrailing mawi tak mai, tlawm taka siamsaktu Chhangte Steel Works (Pi Dingpuii) te chhungkaw chungah lawmthu an sawi.

LUNGHLUROAD

☐ Lunghlu Road hmalakna kal zela ram petu Pu T Laibuaia (Chanmari), Pi Lalrinawmi, Pu Lianchhunga, Pu Lalthianghlina, Pu K Malsawma (Electric) leh Pu Lalroa Tlau te chungah an lawm hle.

☐ Cement leh Balu battir thintu Pu L Nghakliana, Thirzaina khawl leh mamawh dang hmantirtu Pu Pachhunga, a thlawna thing zaisaktu Pu H Lalrinmawia (Mamawitea) te chungah an lawm hle.

ZOFA

☐ Ni 29.7.2013 (Thawhtan) tlai dar 3:00-a Beraw Tlanga programme pawimawh tak nei turin an inbuatsaih mek.

☐ Tunkar chhunga Film Shooting neih tum chu rokhawhna avangin hun remchanga neih tura sawn a ni.

FOOTBALL

☐ MPL khelch tur atana an inbuatsaihna kawng hrang hranga tanpuitu vengchhung mipuite hnenah Football Sub-Committee chuan thilung takin lawmthu a sawi.

☐ Independence Day Football Tournament khelch mekah Ni 22- a Chanmari FC laka an vanduai hnuin Ni 26 khan Upper Republic 4-1 in an hneh a, veng mipuite tawiamnaah lawmthu an sawi. Quarter final lut turin Augustni 1 ah Aizawl FC nen an khelch leh dawn. Veng mipui te tawiamna an ngen leh a ni.

PROPERTY

Information Mike siam ngailaite siam mek zel a ni, siamthat ngai a awm chuan Property Sub-Committee Chairman hnenah hriattir tur a ni.

BADMINTON

☐ Inkhel thinte dimdawi taka Hall enkawl turin an inhriattir.

☐ September thla hian Coaching neih tur a ni a, member-te lo inbuatsaih turin an inhriattir.

KEIMAHNI

☐ Ei leh in tui tak mai min tumsaktu Pu Sangpuia (LS Bakery) chungah lawmthu kan sawi.

☐ Tv Zualtea (T-sect Asst. Secy) leh Tv Lawma (Thalai Entu) te'n min tawiamna, kan lawm hle.

article chhunzawmna.....

Chuvang chuan kan phak tawh thiam tawh thawh hi i zak lo ang u. Tun hma atanga kan inzirtirna fuh lo tak mai lehkhia i zir loh chuan ek paih i la ni ang tih ang kha kan paih bo a hun ta hle mai. Hna tha a kan ngaih leh kan thawh chak em em thin sawrkar hnaah ringawt innghat lova hna dang thawh ngam a hun ta. Tunlai chuan ek paih hi eizawmna hlawk tak a ni reng tawh asin.

Mizorama Agriculture Department awm hma khan kan pipute chu ei leh bar kawngah chuan an intodelh asin, Supply Department awm hma pawh khan ei turah an buai ngai lo. A chhan chu hna an thawk a, lo/leipui neiin an ei bar tur an thawkchhuak tlat alawm. Midang rinchhan lovin anmahni thawhchhuah ngei eiin chhungkua an din thin. Kan rama hnam dang hnathawka ei zawng an tam chhan chu an hna thawh ang kan thawh peih lo vang a ni. ILP tih vela buai buai lo hian an thawh ang hi thawh thiam a, an hlawn aia hniama thawk duh Mizo tlangval kan awm tawh chuan Mizoramah hian la awm rawh u pawh ti ila an ramah min hawsan dawn tho tho.

Thil Chiang tak pakhat chu Mipa lumeh chungchangan hian a ni. Kan rama vai lumeta ei zawng tam tak awm thin kha tunah chuan khang vai lumet thin ho kha hmuh tur an awm tawh mang lo, engvang nge, a chhan chu Mizo tlangvalte'n lumeta eizawmna an luh chilh tak vang a ni. Hnawhchhuah kher ngai lovin anmahni thuin an ram lamah an haw thla mai a ni. Chuvang chuan hnathawh kawngah emaw zirna kawngah emaw kan theih tawpin thawk ila, ram leh hnam humhalhna kawngah kan thawh hlawk a lo ni mai dawn a ni.

hmanraw pawimawh ber chu nupui pasal a hnamdang mite nena inneih pawlh hi a ni. Hnam dang tih hian Mizo hnahtlak ni lo hnam dang zawng a huam a ni. Vai pasala nei kan sawisel nasat viau laiin Sap pasala nei erawh chu sawi an kai ve vak lo tlat. Engpawhnise, hnam dang pasala nei tho an ni. He huangah hian hmeichhiate hian sawi an kai lo thei lo, kan hnam hi mipa thlaha chi thlah kal zel a nih avang hian Mizo tlangvalte hian hnam dang mi nupuih lo nei ta se an thlah te chu Mizo an nihna a bo chuang

Eizawmna tlaka Computer thiam duhte tan D&D Computers, Vaivakawn chuan Computer Hardware & Networking Zirna a hawng thar ta! Admission hi hawn mek a ni a, seat a tam loh avangin kal hmasa apiang duhsak an ni ang.

1. Certificate In Computer System Engineering (CCSE) - 3 months
2. Diploma In Computer System Engineering (DCSE) - 6 months
3. Advance Diploma In Computer System Engineering (ADCSE) - 12 months

Zirlai tinte hnenah an zirnaa mamawh tur, a hnuai ami ang hi a thlawna pek an ni ang.

- 1) Pendrive (4GB)
- 2) CD's Bag
- 3) OS Boot CD's & Common Application Software CD's
- 4) Screw Driver

@ Admission-ah hian Monthly Fee (Thlakhat man) pek nghal tur a ni.
₹ 500 + ₹ 2500 = ₹ 3000

@ Zirlai pakhat tan ni khatah darkar 1 zel a ni ang a, practical bikah chuan hriatthiamna a awm ang.

@ Admission Form hi D&D Computers, Vaivakawnah lak tur a ni.

@ Zirlaite'n pen leh notebook ken zel tur a ni.

Contact 9862365998 (2-1)

lo, amaherawhchu hnamdang mi neih loh erawh chu duhtusam a la ni tho. Mizo hmeichhiate'n hnamdang mi pasala an neih fo hian chhan tha tak a awm thei, an mi duh zawng leh anmahni enkawl thei tur an hmuh loh vangte pawh a ni thei. Kan nulate'n hnam dang pasala an neih kan duh loh viaulai hian Mizo tlangvalte pawh hian inenletna tur tam tak kan nei. Zirna lamah leh eizawmna lamah kan hmeichhiate'n nasa takin hma an sawn si a, Mizo tlangvalte'n heti lama tan kan lak loh chuan kan nulate hian pasal atana neih tlak hi Mizo tlangvalte zingah hian an hmu lo telh telh dawn; chu chuan hnam dang mi pasal atana neih hi a ti hluar thei. Chuvang chuan Mizo tlangvalte'n tan kan lak thar a pawimawh. Pathianni tlai a kawnglai a rui taka kal pai tuang tuang te, dawrte a len a nuuh uar uar te hi sim atana tha tak a ni.

(Karlehah chhunzawm tur)